



酉陽雜俎

前集
十六之二十

15
1296
3



15
1296
3

唐段少卿酉陽雜俎前集卷之十六

唐 太常少卿臨淄柯古段成式撰

明 四川道監察御史內鄉李雲鶴 校

廣動植之一 并序

成式以天地間造化所產突而旋成形者樊然矣故山海經爾雅所不能究因拾前儒所著有草木禽魚未列經史或經史已載事未悉者或接諸耳目簡編所無者作廣動植莫培土培丘陵之學也昔曹丕著論於火布滕循獻疑於鯁鬚蔡謀不識彭蜺劉縉誤呼荔挺至今可笑學者豈容略乎

昭和九年
十月十一日
購求

總叙○羽嘉生飛龍飛龍生鳳凰生鸞鸞生度鳥○應
龍生建鳥建鳥生騏驎騏驎生度獸○分鱗生蛟龍蛟
龍生鯤鯁鯁生建邪建邪生度魚○分潭生先龍先
龍生玄鮠玄鮠生靈龜靈龜生度龜○日馮生玄陽闕
玄陽闕生鱗胎鱗胎生幹木幹木生度木○招搖生程
君程君生玄玉玄玉生醴泉醴泉生應黃應黃生黃
華黃華生度草○海間生屈龍屈龍生容華容華生
葉葉生藻藻生浮草○甲虫影伏羽虫體伏○食草者
多力而愚食肉者勇敢而悍○齧吞者入竅而卵生咀
嚼者九竅而胎生○無角者膏而先前有角者脂而先

後○食葉者有絲食土者不息食而不飲者蠶飲而不
食者蟬不飲不食者蜉蝣蜉蝣屬卻行蛇屬紆行蜻
蚋屬往鳴蜩屬旁鳴發皇翼鳴蚣蜻股鳴榮原胃鳴○
蜩三十日而死○鱸魚三月上官於孟津○鷓鴣向日
飛○鰻與鱉魚車螯與移角並相似○鳳雄鳴節節雌
鳴足足行鳴曰歸嬉止鳴曰提袂○麒麟牡鳴曰逝日
遊聖牡鳴曰歸和春鳴曰扶助夏鳴曰養綬○鼈無耳
為守神○虎五指為羆○魚滿三百六十年則為蛟龍
引飛去水○魚二千觔為蛟○武陽小魚一觔千頭○
東海大魚瞳子大如三斗盎○桃支竹以四寸為一節

木瓜一尺一百二十一節○木蘭去皮不死荆木心方○
蛇有水草木土四種○孔雀尾端一寸名珠毛○鶴左
右脚裏第一指名兵瓜○蜀郡無兔鴿○江南一日無
狼馬○朱提以南無鳩鵲○鳥有四千五百種獸有二
千四百種○鴉楚鳩所生○騾不滋乳○蔡中郎以反
舌為蝦蟆淮南子以蛭為蟻蠊詩義以蝨為螻蛄高誘
以乾鵲為蟋蟀○兔吐子鷓鴣吐鷓○瓜瓠子曰犀胡
桃人曰蝦蟆○蝦蟆無腸○龜腸一日屬於頭○科斗
尾脫則足生○鳥獸未孕者為禽鳥養子曰乳○蛇蟠
向王鵲巢背太歲驚伏戌巳虎奮衝破乾鵲知來猩猩

知往○鸛影抱蝦蟆聲抱○蟬化齊后鳥生杜宇○柳
子為越王頭壺樓為杜宇項○鷓鴣鳴曰向南不北逃
閭鳴懸壺盧繫項一日○豆以二七為族粟累十二為
十

人參處處生蘭長生為瑞○有實曰果又在水曰果○
小麥忌戌大麥忌子○薺葶蘆荇莢為三葉孟夏煞之
○烏頭殼外有毛石劫應節生花○木再花夏有靄李
再花秋大霜○木無故叢○枝盡向下又生及一尺至
一丈自死皆凶○邑中終歲無鳥有寇郡中忽無鳥者
日鳥亡○雞無故自飛去家有蠱雞日中不下樹妻妾

姦謀○見蛇交三年死蛇冬見寢室為急兵人夜卧無
故失髻者鼠妖也○屋柱木無故生芝者白為喪赤為
血黑為賊黃為喜其形如人面者亡財如牛馬者遠役
如龜蛇者田蠶耗○德及幽隱則比目魚至生一日○妾
媵有制則白燕來巢○山上有葱下有銀山上有薤下
有金山上有薑下有銅錫山有寶玉木旁枝皆下垂○
葛稚川嘗就上林令魚泉得朝臣所上草木名二十餘
種隣人石瓊就之求借一皆遺弃詔曰買魚得鱖不如
食茹寧去累世宅不去鰲魚額洛鯉伊魴貫於牛羊○
得合瀾蠟雖不足豪亦足以高○櫛櫛扶留可以忘憂

○白馬甜榴一實直牛○草木暉暉蒼黃亂飛

羽篇

鳳骨黑雄雌夕旦鳴各異黃帝使伶倫制十二箏寫之
其雄聲其雌音樂有鳳凰臺此鳳脚下物如白石者鳳
有時來儀候其所止處掘深三尺有圓石如卵正白服
之安心神

孔雀釋氏書言孔雀因雷聲而孕

鸛江淮謂群鸛璇飛為鸛井鶴亦好旋飛必有風雨人
探巢取鸛子六十里早能群飛薄霄激雨雨為之散
烏鳴地上無好聲人臨行烏鳴而前引多喜此舊占所

不載○貞元十四年鄭汴二州群鳥飛入田緒李納境
內街木為城高至二三尺方十餘里納緒惡而命焚之
信宿如舊鳥口皆流血

俗候鳥飛翅重天將雨

鵲巢中必有梁崔圓相公妾在家時與姊妹戲於後園
見二鵲構巢共銜一木如筆管長尺餘安巢中眾悉不
見俗言見鵲上梁必貴

大曆八年乾陵上仙觀天尊殿有雙鵲銜柴及泥補葺
隙壞一十五處宰臣上表賀

貞元三年中書省梧桐樹上有鵲以泥為巢焚其巢可

雜狐魅

燕凡狐白貉鼠之類燕見之則毛脫或言燕蟄於水

井底舊說燕不入室是井之虛也取桐為男女各一投

井中燕必來胸班黑聲大名胡燕其巢有容疋素者

雀釋氏書言雀沙生因浴沙塵受卵蜀弔鳥山至雉雀

來弔最悲百姓夜燃火伺取之無噤不食似持一日悲

者以為義則不殺

鴿大理丞鄭復禮言波斯舶上多養鴿鴿能飛行數千

里輒放一雉至家以為平安信

鸚鵡能飛眾鳥趾前三後一唯鸚鵡四趾齊分凡鳥下

西門子六
五
賧取上獨此鳥兩賧俱動如人目

玄宗時有五色鸚鵡能言上令左右試牽帝衣鳥輒瞋目叱咤岐府文學能延京獻鸚鵡篇以贊其事張燕公有表賀稱為時樂鳥

杜鵑始陽相催而鳴先鳴者吐血死嘗有人山行見一群寂然聊學其聲即死初鳴先聽其聲者主離別廁上聽其聲不祥厭之法當為大聲應之

雉鵠舊言可使取火効人言勝鸚鵡取其目睛和人乳研滴眼中能見烟霄外物也

鵝濟南郡張公城西北有鵝浦南燕世有漁人居水側

常聽鵝之聲衆中有鈴聲甚清亮候之見一鵝咽頸極長羅得之項上有銅鈴綴以銀鑰隱起元鼎元年字

晉時營道縣令何潛之於縣界得鳥大如白鷺膝上髀下自然有銅鑰貫之

鵝鵠舊言辟火災巢於高樹生子穴中銜其母翅飛下養之

鴉相傳鴉生三子一為鴉肅宗張皇后專權每進酒常寘鴉腦酒鴉腦酒令人久醉健忘

異鳥天寶二年平盧有紫虫食禾苗時東北有赤頭鳥群飛食之

開元二十三年榆關有蜃蚌蛭延入平州界亦有群雀食之○又開元中貝州蝗虫食禾有大白鳥數千小白鳥數萬盡吞其虫

大曆八年大鳥見武功群鳥隨噪之行營將張日芬射獲之肉翅狐首四足足有爪廣四尺三寸狀類蝙蝠又邠州有白頭鳥乳鵠鶴

王母使者齊郡函山有鳥足青嘴赤黃素翼異絳額名王母使者昔漢武登此山得玉函長五寸帝下山玉函忽化爲白鳥飛去世傳山上有王母藥函常令鳥守之

吐綬鳥魚徂縣南山有鳥大如鵠鶴羽色一曰多黑襍

以黃白頭頰似雉有時吐物長數寸丹采彪炳形色類綬因名爲吐綬鳥又食必蓄紫臆前大如斗慮觸其嚙行每遠草木故一名避株鳥

鸛鷓一名墮羿形似鵲人射之則銜矢反射人

鸚鵡喙大而句長一尺赤黃色受二升南人以爲酒杯也

菘節鳥四脚尾似鼠形如雀終南深谷中有之

老鷓秦中山谷間有鳥如梟色青黃肉翅好食烟見人輒驚落隱首草穴中常露身其聲如嬰兒啼名老鷓柴蒿京之近山有柴蒿鳥頭有冠如戴勝大若野鷄

𦉳𦉳鳥其聲自號正月以後作聲至五月節不知所在其形似鳩鵲

蝦蟇護南山下有鳥名蝦蟇護多在田中頭有冠色蒼足赤形似鷺

夜行遊女一曰天帝女一名釣星夜飛晝隱如鬼神衣毛為飛鳥脫毛為婦人無子喜取人子胸前有乳凡人飴小兒不可露處小兒衣亦不可露曬毛落衣中當為鳥祟或以血點其衣為誌或言產死者所化

鬼車鳥相傳此鳥昔有十首能收人魂一首為犬所噬秦中天陰有時有聲聲如力車鳴或言是水雞過也

白澤圖謂之蒼鷗帝鵠書謂之逆鷓夫子子夏所見寶曆中國子四門助教史迥語成式常見裴瑜所注爾雅言鷓麋鵠是九頭鳥也

細鳥漢武時罽勒國獻細鳥以方尺玉為籠數百頭狀如蠅聲如鴻鵠此國以候日因名候日虫集宮人衣輒蒙愛幸

嗽金鳥出昆明國形如雀色黃常翱翔於海上魏明帝時其國來獻此鳥飴以真珠及龜腦常吐金屬如粟鑄之乃為器服宮人爭以鳥所吐金為釵珥謂之辟寒金以鳥不畏寒也宮人相嘲弄曰不服辟寒金那得帝王

心不服辟寒鈿那得帝王怜

背明鳥吳時越雋之南獻者明鳥形如鶴止不向明巢必對北其聲百變

岢嵐鳥出河西赤塢鎮狀似鳥而大飛翔於陣上多不利

鷓鴣狀如燕稍大足短趾似鼠未常見下地常止林中偶失勢控地不能自振及舉上凌青霄出涼州也

鷓鳥武周縣合火山山上有鷓鳥形類鳥嘴赤如丹一名赤嘴鳥亦曰阿鷓鳥

訓胡惡鳥也鳴則後竅應之

百勞博勞也相傳伯奇所化取其所踏枝鞭小兒能令速語南人繼母有娠乳兒兒病如瘡唯鴟毛治之

毛篇

師子釋氏書言師子筋為絃鼓之衆絃皆絕

西域有黑獅子捧師子○集賢校理張希復言舊有師子尾拂夏月蠅蚋不敢集其上

舊說蘇合香師子糞也

象舊說象性久識見其子皮必泣一枚重千觔釋氏書言象七久柱地六牙牙生理必因雷聲

又言龍象六十歲骨方足今荆地象色黑兩牙江猪也

咸亨三年周澄國遣使上表言訶伽國有白象首垂四
牙身運五足象之所在其土必豐以水洗牙飲之愈疾
請發兵迎取

象膽隨四時在四腿春在前左夏在前右如龜無定體
也鼻端有爪可拾鍼肉有十二般惟鼻是其本肉

陶貞白言夏月合藥宜置象牙於藥旁南人言象妬惡
犬聲獵者裹糧登高樹構熊巢伺之有群象過則為犬
聲悉舉鼻吼叫循守不復去或經五六日困倒其下因
潛殺之耳後有穴薄如鼓皮一刺而斃胃前小橫骨灰
令人能浮水出沒食其肉令人體重

象孕五歲始生

月暈仙人鄭思遠常騎虎故人許隱齒痛求治
得虎鬚及熱插齒間即愈乃為按數莖與之因

虎鬚治齒也

虎殺人能令屍起自解衣方食之虎威如乙字長一寸
在脇兩旁皮內尾端亦有之佩之臨官佳無官人所憎
嫉○虎夜視一目放光一目看物獵人候而射之光墜
入地成白石主小兒驚

馬虜中護蘭馬五白馬也亦曰玉面譜真馬十三歲馬
也以十三歲已下可以留種舊種馬戎馬八尺田馬七

尺駑馬六尺○瓜州飼馬以蕓草沙州以茨苜涼州以
敦突渾蜀以稗草以蘿蔔根飼馬馬肥安比飼馬以沙
蓬根鍼○大食國馬解人語○悉怛國怛幹國出好馬
○馬四歲兩齒至二十歲齒盡平○體名有輸鼠外鳧
烏頭龍翅虎口○猪槽飼馬石灰泥槽汗而繫門三專
落駒迴毛在頸白馬黑毛鞍下腋下迴毛右脇白毛左
右後足白○馬四足黑目下橫毛黃馬白喙旋毛在吻
後汗溝上通尾本日赤睫亂及反睫白馬黑目目白却
視並不可騎夜眼名附蟬戶肝名懸燧亦曰雞舌綠袂
方言以地黃茸草噉五十歲生三駒

牛北人牛瘦者多以蛇灌鼻口則為獨肝水牛有獨肝
者殺人逆賊李希烈食之而死○相牛法岐胡有壽膺
匡欲廣毫筋欲橫蹄後筋也常有聲有黃也角冷有病
旋毛在珠泉無壽睫亂觸人銜烏角偏妨主毛少骨多
有力溺射前良牛也踈肋難養三歲二齒四歲四齒五
歲六齒六歲以後每一年接脊骨一節

甯公所針牛陰虹屬頸陰虹雙筋自尾屬頸也

北虜之先索國有泥師都二妻生四子一子化為鴻遂
委三子謂曰爾可從古旃古旃牛也三子因隨牛牛所
糞悉成肉酪○太原縣北有銀牛山漢建武二十一年

西前十六
有人騎白牛蹊人田田父訶詰之乃曰吾北海使將看
天子登封遂乘牛上山田父尋至山上唯見牛跡遺糞
皆為銀也明年世祖封禪

鹿虞部郎中陸紹弟為盧氏縣尉常觀獵人獵忽遇鹿
五六頭臨澗見人不驚毛斑如畫陸恠獵人不射問之
獵者言此仙鹿也射之不能傷且復不利陸不信強之
獵者不得已一發矢鹿帶箭而去及返射者墜崖折左
足

南康記云合浦有鹿額上戴科藤一枝四條直上各二
丈

犀之通天者必惡影常飲濁水當其溺時人趨不復移
足角之理形似百物或云犀角通者是其病然其理有
倒插正插腰鼓插倒者一半已下通正者一半已上通
腰鼓者中斷不通故波斯謂牙為白暗犀為黑暗成式
門下醫人吳士臯常職於南海郡見船主說本國取犀
先於山路多植木如狙棧一作云犀前脚直常倚木而
息木欄折則不能起犀牛一名奴角有鴟處必有犀也
犀三毛一孔劉孝標言犀隨角埋之人以假角易之
馳性羞木蘭篇明馳千里脚多誤作鳴字馳豨腹不貼
地屈足漏明則行千里

天鐵熊高宗時加加一日毘葉國獻天鐵熊擒白象獅子
狼大如狗蒼色作聲諸竅皆沸脰中筋大如鴨卵有犯
盜者薰之當令手攣縮或言狼筋如織絡小囊虫所作
也狼糞烟直上烽火用之○或言狼狽是兩物狽前足
絕短每行常駕兩狼失狼則不能動故世言事乖者稱
狼狽○臨濟郡西有狼塚近世曾有人獨行於野遇狼
數十頭其人窘急遂登草積上有兩狼乃入穴中負出
老狼老狼至以口拔數莖草群狼遂竟拔之積將崩
遇獵者救之而免其人相率掘此塚得狼百餘頭殺之
疑老狼即狽也

貊澤大如犬其膏宣利以手所承及於銅鐵瓦器中貯
悉透以骨盛則不漏

狷獬獬外勃樊州熏陸香所出也如楓脂狷獬好啖之
大者重十觔狀似獬其頭身四肢了無毛唯從鼻上竟
脊至尾有青毛廣一寸長三四分獵得者斫刺不傷積
薪焚之不死乃大杖擊之骨碎乃死

黃腰一名唐已人見之不祥俗相傳食虎

香狸取其水道連囊以酒澆乾之其氣如真麝

耶希有鹿兩頭食毒草是其胎矢也夷謂鹿為耶矢為
希

蠅似黃狗圍有常處若行遠不及其家一云則以草塞其尻

猥獮蜀西南高山上物如猴狀長七尺名猥獮一曰馬化好竊人妻多時形皆類之盡姓楊蜀中姓楊者往往獲爪

狒狒飲其血可以見鬼力負千觔笑輒上吻掩額狀如獼猴作人言如鳥聲能知生死血可染緋髮可為髮舊說反踵獵者言無膝睡常倚物宋建武高城郡進雌雄二頭

在子者鼈身人首灸之以釐則鳴曰在子

大尾羊康居出大尾羊尾上旁廣重十觔

又僧玄奘至西域大雪山高嶺下有一村養羊大如驢賓國出野青羊尾如翠色土人食之

唐段少卿酉陽雜俎前集卷之十七

唐 大常少卿臨淄柯古段成式 撰

明 四川道監察御史內鄉李雲鵠 校

廣動植之二

鱗介篇

龍頭上有一物如博山形名尺木龍無尺木不能昇天

井魚井魚腦有穴每翕水輒於腦穴蹙出如飛泉散落

海中舟人競以空器貯之海水鹹苦經魚腦穴出反淡

如泉水焉成式見梵僧普善日提勝說

異魚東海漁人言近獲魚長五六尺腸胃成胡鹿刀槩

之狀或號秦皇魚

鯉脊中鱗一道每鱗有小黑點大小皆三十六鱗國朝律取得鯉魚即宜放仍不得喫號赤鱠公賣者杖一曰决六十言鯉為李也

黃魚蜀中每殺黃魚天必陰雨

烏賊舊說名河伯度一曰從事小吏遇大魚輒放墨方數

尺以混其身江東人或取墨書契以脫人財物書跡如淡墨逾年字消唯空紙耳海人言昔秦王東遊弃筭袋於海化為此魚形如筭袋兩帶極長一說烏賊有石遇風則蚪前一鬚下可

鯨魚凡諸魚欲產鮎魚輒舐其腹世謂之衆魚之生母

鰮魚章安縣出出入鰮腹子朝出索食暮還入母腹腹中容四子頰赤如金甚健網不能制俗呼為河伯健兒鮫魚鮫子驚則入母腹中

馬頭魚象浦有魚色黑長五丈餘頭如馬伺人入水食人

印魚長一尺三寸額上四方如印有字諸大魚應死者先以印封之

石斑魚僧行儒一曰建州有石斑魚好與蛇交南中多隔蜂窠大如壺常群螫人土人取石斑魚就蜂樹側炙之

標於竿上向日令魚影落其窠上須臾有鳥大如鷲數百互擊其窠窠碎落如葉蜂亦全盡

鯢魚如鮎四足長尾能上樹天旱輒含水上山以草葉覆身張口鳥來飲水因吸食之聲如小兒峽中人食之先縛於樹鞭之身上白汗出如構汁去此方可食不爾有毒

鱉雌常負雄而行漁者必得其雙南人列肆賣之雄者少肉舊說過海輒相負於背高尺餘如帆乘風遊行今鱉殼上有一物高七八寸如石珊瑚俗呼為鱉帆成式荊州常得一枚至今閩嶺重鱉子醬鱉十二足殼可為

冠次於白角南人取其尾為小如意也

飛魚朗山浪水有之魚長一尺能飛飛即凌雲空息即歸潭底

溫泉中魚南人隨溪有三亭城城下溫泉中生小魚

羊頭魚周陵溪中有魚其頭似羊俗呼為羊頭魚豐肉少骨殊美於餘魚

鱣魚濟南郡東北有鱣坑傳言魏景明中有人穿井得魚大如鏡其夜河水溢入此坑坑中居人皆為鱣魚焉璊瑁虫不再交者虎鴛與璊瑁也

螺蚌鸚鵡螺如鸚鵡見之者凶蚌當雷聲則瘵痢

一日

蟹八月腹中有芒芒真稻芒也長寸許向東輸與海神未輸不可食

善苑國出百足蟹長九尺四螯煎為膠謂之螯膠勝鳳喙膠也

平原郡貢糖蠃採於河間界每年生貢斲冰火照懸老犬肉蠃覺老犬肉即浮因取之一枚直百金以瓊密束於驛馬馳至於京

蝻蚘大者長尺餘兩螯至強八月能與虎鬪虎不如隨大潮退殼一退一長

奔鯨奔鯨一名濁非魚非蛟大如船長二三丈色如鮎

有兩乳在腹下雄雌陰陽類人取其子著岸上聲如嬰兒啼頂上有孔通頭氣出赫赫作聲必大風行者以為候相傳嬾婦所化殺一頭得膏三四斛取之燒燈照讀書紡績輒暗照歡樂之處則明

係臂如龜入海捕之人必先祭又陳所取之數則日出因取之若不信則風波覆船

蛤梨候風雨能以殼為翅飛

擁劍一螯極小以大者鬪小者食

寄居殼似蝸一頭小蠃一頭螺蛤也寄在殼間常候蝸一名螺一名開出食螺欲合遽入殼中

牡蠣言牡非謂雄也介蟲中唯牡蠣是鹹水結成也
玉桃似蚌長二寸廣五寸殼中柱灸之如牛頭眩項
數丸形似彭蜺競取土各作丸丸數滿三百而潮至一
日沙丸
千人捏形似懈大如錢殼甚固壯夫極力捏之不死俗
言千人捏不死因名焉

蟲篇

蟬未脫時名復育相傳言蛭蟻所化秀才韋翹一日莊
在杜曲常冬中掘樹根見復育附於朽處恠之村人言
蟬固朽木所化也翹因剖一視之腹中猶實爛木

蝶白蛺蝶尺蠖蠶所化也秀才顧非熊少時常見鬱樓
中壞綠裙幅旋化為蝶工部員外郎張周封言百合花
合之泥其隙經宿化為大胡蝶
蟻秦中多巨黑蟻好鬪俗呼為馬蟻次有色竊赤者細
蟻中有黑者遲鈍力舉等身鐵有竊黃者最有兼弱之
智成式兒戲時常以棘刺標蠅實其來路此蟻觸之而
返或去穴一尺或數寸纔入穴中者如索而出疑有聲
而相召也其行每六七有大首者間之整若隊伍至徙
蠅時大首者或翼或殿如備異蟻狀也○元和成式
假居在長興里庭中有一穴蟻形狀如竊赤之蟻之大

者而色正黑腰節微赤首銳足高走最輕迅每生致蟻
及小魚一日入穴輒壞垤室穴蓋防其逸也自後徙居
數處更不復見此

山人程宗文一日云程執恭在易定野中蟻樓高三尺
餘

蜘蛛道士許象之言以盆覆寒食飯於暗室地上入夏
悉化為蜘蛛

吳公綬安縣多吳公大者兔尋能以氣吸兔一云大者
能以氣吸
兔小者吸蜥蜴相去三四尺骨肉自消

蠨螋成式書齋多此蟲蓋好窠於書卷也或在筆管中

視聲可聽有時開卷視之悉是小蜘蛛大如蠅虎旋以
泥隔之時方知不獨負桑蟲也

顛當成式書齋前每雨後多顛當窠秦人
所呼深如蚓穴網

絲其中土蓋與地平大如榆葉常仰捍其蓋伺蠅虻過

輒翻蓋捕之纒入復閉與地一色並無絲隙可尋也其

形似蜘蛛如墻角
亂爾雅謂之王蛛一作
蛸鬼谷子謂

之蛛母秦中兒童戲曰顛當顛當牢守門蠨螋寇汝無
處奔

蠅長安秋多蠅成式蠹書常日讀百家五卷頗為所擾
觸睫隱字豉不能已偶拂殺一焉細視之翼甚似蝟冠

甚似蜂性察於腐嗜於酒肉按理首翼其類有蒼者聲雄壯負金者聲清聒其聲在翼也青者能敗物巨者首如火或曰大麻蠅茅根所化也

壁魚補闕張周封言嘗見壁上白瓜子化爲白魚因知列子言朽瓜爲魚之義

蝓蟻草中有蝓蟻樹

天牛蟲黑甲蟲也長安夏中此蟲或出於離壁間必雨成式七度驗之皆應

異蟲温會在江州與賓客看打魚漁子一人忽上岸狂走温問之但反手指背不能語漁者色黑細視之有物

黃葉大尺餘眼遍其上齧不可取温令燒之方落每

對一眼底有紫如釘漁子出血數升而死莫有識者

冷虵申王有肉疾腹垂至胛每出則以白練束之至暑月常斲息不可過玄宗詔南方取冷虵二條賜之虵長數尺色白不螫人執之冷如握冰申王腹有數約夏月寘於約中不復覺煩暑

異蜂有蜂如蠟蜂稍大飛勁疾好圓裁樹葉卷入木竅及壁罅中作窠成式常發壁尋之每葉卷中實以不潔或云將化爲蜜也

白蜂窠成式修竹里私第菓園數畝壬戌年有蜂如麻

子蜂膠土為窠於庭前簷大如雞卵色正白可愛家弟
惡而壞之其冬果覺鍾手足南史言宋明帝惡言白問
金樓子言子婚日疾風雪下幃幕變白以為不祥抑知
俗忌白久矣

毒蜂嶺南有毒菌夜明經雨而腐化為巨蜂黑色喙若
鋸長三分餘夜入人耳鼻中斷人心繫

竹蜜蜂蜀中有竹蜜蜂好於野竹上結窠窠大如雞子
有蒂長尺許窠與蜜並緝色可愛其倍於常蜜

水蛆南中水碓澗中多此蟲長寸餘色黑夏深變為白
螫人甚毒

水蟲象浦其川渚有水蟲攢木舍船數十日船壞蟲甚

微細

抱槍水蟲也形如蝓蟻稍大腹下有刺似槍如棘鍼螫
人有毒

負子水蟲也有子多負之

避役南中有蟲名避役一曰十二辰蟲狀似蛇醫脚長
色青赤肉鬣暑月時見於籬壁間俗云見者多稱意事
其首倏忽更變為土辰狀成式再從兄鄴常觀之

食膠蟲夏月食松膠前脚傳之後脚聶之內之尻中

蝮蝮形如蟬其子如蝦著草葉得其子則母飛來就之

煎食辛而美

竈馬狀如促織稍大脚長好穴於竈側俗言竈有馬足食之兆

謝豹號州有蟲名謝豹常在深土中司馬裴沈子常治坑獲之小類蝦蟇而圓如毬見人以前兩脚交覆首如羞狀能穴地如鼯鼠頃刻深數尺或出地聽謝豹鳥聲則腦裂而死俗因名之

碎車蟲狀如唧唧蒼色好棲高樹上其聲如人吟嘯終南有之○一本云滄州俗呼為搔前太原有大而黑者聲唧唧碎車別俗呼為沒鹽蟲也

度古似書帶色類蚓長二尺餘首如鍮背上有黑黃欄稍觸則斷常趁蚓蚓不復動乃上蚓掩之良久蚓化惟腹泥如涎有毒雞喫輒死伏呼土蟲
雷蟻大如蚓以物觸之乃蹙縮圓轉若鞠良久引首鞠形漸小復如蚓焉或云齧人毒甚

矛虵頭螫身入水綠樹木生嶺南南人謂之矛膏至利銅瓦器貯浸出惟雞卵殼盛之不漏主腫毒

藍虵首有大毒尾能解毒出梧州陳家洞南人以首合毒藥謂之藍藥藥人立死取尾為腊反解毒藥

蚶虵長十丈常吞鹿鹿消盡乃繞樹出骨養創時肪腴

甚美或以婦人衣投之則蟠而不起其膽上旬近頭中
旬在心下旬近尾

蝟負蟲巨者多化為蝟蝟子多負於背成式常見一
蝟負十餘子子色猶白纔如稻粒成式常見張希復言
陳州古倉有蝟形如錢螿人必死江南舊無蝟開元初
常有一主簿竹筒盛過江至今江南往往而有俗呼為
主簿蟲蝟常為蝟所食以跡規之蝟不復去舊說過滿
百為蝟所螿蝟前謂之螿後謂之蝟

虱舊說虱蟲飲赤龍所浴水則愈虱惡水銀人有病虱
者雖香衣沐浴不得已道士崔白言荊州秀才張管常
捫得兩頭虱有草生山足濕處葉如百合對葉獨莖莖
微赤高一二尺名虱建草能去蟣虱有水竹葉如竹生
水中短小亦治虱

蝗荊州有帛師號法通本安西人少於東天竺二出家言
蝗蟲腹下有梵字或自天下來者乃叨利天梵天來者
西域驗其字作本天壇法禳之今蝗蟲首有王字固自
不可曉或言魚子變近之矣舊言蟲食穀者部吏所致
侵漁百姓則蟲食穀蟲身黑頭赤武吏也頭黑身赤儒
吏也

野狐鼻涕 蝶蛸也俗呼為野狐鼻涕

唐段少卿西陽襍俎前集卷之十八

唐 太常少卿臨淄柯古段成式 撰

明 四川道監察御史內鄉李雲鵠 校

廣動植之三

木篇

松凡言兩粒五粒粒當言鬣成式修竹里私第大堂前有五鬣松兩株大財如椀甲子年結實味與新羅南詔者不別五鬣松皮不鱗中使仇士良水磴亭子在城東有兩鬣皮不鱗者又有七鬣者不知自何而得俗謂孔雀松三鬣松也松命根下遇石則偃蓋不必千年也

竹竹花曰覆覆死曰箝六十年一易根則結實枯死

箇墮竹大如脚指腹中白幕攔蘭日隔狀如濕麪將成

竹而筒皮未落輒有細蟲齧之隕籜後蟲齧處成赤跡

似綉畫可愛

棘竹一名筴竹節皆有刺數十莖為叢南夷種以為城

卒不可攻或自崩根出大如酒甕縱橫相承狀如縲車

食之落人齒齒一作髮

筋竹南方以為矛筍未成時堪為弩絃

百葉竹一枝百葉有毒○竹譜竹類有三十九

慈竹夏月經雨滴汁下地生蓐似鹿角色白食之已痢

也

異木大曆中成都百姓郭遠因樵獲瑞木一莖理成字

曰天下太平詔藏于秘閣

京西持國寺寺前有槐樹數株金監買一株令所使巧

工解之及入內迴工言木無他異金大嗟惋令膠之曰

此不堪矣但使爾知予工也乃別理解之每片一天王

塔戟成就焉

都官陳脩古員外言西川一縣不記名吏因換獄卒木

薪之天尊形像存焉

異樹婁約居常山据禪座有一野嫗手持一樹植之於

庭言此是蜻蜓樹歲久芬芳鬱茂有一鳥身赤尾長常
止息其上

真果瞻披國有人牧牛千百餘頭有一牛離群忽失所
在至暮方歸形色嗚吼異常群牛異長一日之明日遂獨
行主因隨之入一穴行五六里豁然明朗花木皆非人
間所有牛於一處食草草不可識有果作黃金色牧牛
人竊一將還為鬼所奪又一日復往取此果至穴鬼復
欲奪其人急吞之身遂暴長頭纒出身塞於穴數日化
為石矣

甘子天寶十年上謂宰臣曰近日於宮內種甘子數株

今秋結實一百五十顆與江南蜀道所進不異宰臣賀
表曰雨露所均混天區而齊被草木有性憑地氣而潛
通故得資江外之珍果為禁中之華實相傳玄宗幸蜀
年羅浮甘子不實嶺南有蟻大於秦中馬蟻結窠於甘
樹實時常循其上故其皮薄而滑往往其實在其窠中
冬深取之味數倍於常者

樟木江東人多取為船船有與蛟龍鬪者

石榴一名丹若一作丹若梁大同中東州後堂石榴皆生雙

子南詔石榴子大皮薄如藤紙味絕於洛中○石榴甜
者謂之天漿能已乳石毒

柿俗謂柿樹有七絕一壽二多陰三無鳥巢四無蟲五
霜葉可翫六嘉實七落葉肥大

漢帝杏濟南郡之東南有分流山山上多杏大如梨色
黃如橘土人謂之漢帝杏亦曰金杏

脂衣奈漢時紫柰大如升核紫花青研之有汁可漆或
著衣不可浣也

仙人棗晉時太倉南有翟泉泉西有華林園園有仙人
棗長五寸核細如鍼

楷孔子墓上特多楷木
梔子諸花少六出者唯梔子花六出陶真白言梔子翦

花六出刻房七道其花香甚相傳即西域薝蔔花也

仙桃出郴州蘇耽仙壇有人至心祈之輒落壇上或至
五六顆形似石塊赤黃色破之如有核三重研飲之愈

眾疾尤治邪氣
娑羅巴陵有寺僧房牀下忽生一木隨伐隨長外國僧

見曰此娑羅也元嘉初出一花如蓮天寶初安西道進
娑羅枝狀言臣所管四鎮有拔汗那最為密近木有娑

羅樹特為奇絕不庇凡草不止惡禽聳幹無慚於松栝
成陰不愧於桃李近差官拔汗那使令採得前件樹枝

二百莖如得託根長樂擢穎建章布葉垂陰隣月中之

丹桂連枝接影對天上之白榆

赤白檀出涼州大者為炭入以灰汁可以煮銅為銀
仙樹祁連山上有仙樹實行旅得之止饑渴一名四味
木其實如棗以竹刀剖則甘鐵刀剖則苦木刀剖則酸
蘆刀剖則辛

木五香根旃檀節沉香花雞舌葉藿膠薰陸

椒可以來水銀茱萸氣好上椒氣好下

構穀田久廢必生構葉有瓣曰楮無曰構一作大曰楮小曰構

黃楊木性難長世重黃楊以無火或曰以水試之沉則
無火取此木必以陰晦夜無一星則伐之為枕不裂

蒲萄俗言蒲萄蔓幻引于西南庾信謂魏使尉瑾曰我

在鄴遂大得蒲萄可有滋味陳昭一作招曰作何形狀徐

君房曰有類軟棗信曰君殊不體物何得不言似生荔

枝魏肇師曰魏武有言末夏涉秋尚有餘暑酒醉宿醒

掩露而食其而不餒酸而不酢道之固以流沫稱奇况

親食之者瑾曰此物實出於大宛張騫所致有黃白黑

三種成熟之時子實逼側星編珠聚西域多釀以為酒

每來歲貢在漢西京似亦不少杜陵田五十畝中有蒲

萄百樹今在京兆非直止禁林也信曰乃園種戶植接

蔭連架昭曰其味何如橘柚信曰津液奇勝芬芳減之

瑾曰金衣素果見苞作貢向齒自消良應不及

貝丘之南有蒲萄谷谷中蒲萄可就其所食之或有取歸者即失道世言王母蒲萄也天寶中沙門曇霄因遊諸岳至此谷得蒲萄食之又見枯蔓堪為杖大如指五尺餘持還本寺植之遂活長高數仞蔭地幅員十丈仰觀若帷蓋焉其房實磊落紫瑩如墜時人號為草龍珠帳焉

凌宵花中露水損人目

松植即鍾藤也葉大者晉安人以為盤

侯騷蔓生子如雞卵既甘且冷輕身消酒廣志言因王

太僕所獻

蠶薺子如彈丸魏武帝常啖之

酒杯藤大如臂花堅可酌酒實大如指食之消酒

白柰出涼州野猪澤大如兔頭

比閭出白州其華若羽伐其木為車終日行不敗

菩提樹出摩伽陀國在摩訶菩提寺蓋釋迦如來成道

時樹一名思惟樹莖幹黃白枝葉青翠經冬不凋至佛

入滅日變色一落過已還生至此日國王人民大作佛

事收葉而歸以為瑞也樹高四百尺下有銀塔周迴繞

之彼國人四時常焚香散花繞樹作禮唐貞觀中頻遣

使往於寺設供并施袈裟至高宗顯慶五年於寺立碑
以紀聖德此樹梵名有二一曰賓撥梨梨一曰婆力义二曰
阿濕曷咄婆婆一曰力义西域記謂之卑鉢羅以佛於其
下成道即以道為稱故號菩提婆婆一曰力义漢翻為樹
昔中天無憂王剪伐之令事大婆羅門積薪焚焉熾焰
中忽生兩樹無憂王因懺悔號灰菩提樹遂周以石垣
至賞設迦至一曰復掘之至泉其根不絕坑火焚之漑
以其蔗汁欲其焦爛後摩揭陀國滿胃土無憂之曾孫
也乃以千牛乳澆之信宿樹生如舊更增石垣高二丈
四尺玄裝至西域見樹出垣上二丈餘

貝多出摩伽陀國長六七丈經冬不凋此樹有三種一
者多羅婆婆一曰力义貝多二者多梨婆婆一曰力义貝多
三者部婆婆一曰力义多羅梨梨一曰多並書其葉部闍
一色取其皮書之貝多是梵語漢翻為葉貝多婆婆一曰
力义者漢言葉樹也西域經書用此三種皮葉若能保
護亦得五六百年○嵩山記稱嵩高寺中有思惟樹即
貝多也○釋氏有貝多樹下思惟經顧徽廣州記稱貝
多葉似枇杷並謬○交趾近出貝多枝擘林中第一
龍腦香樹出婆利國婆利呼為固不婆律亦出波斯國
樹高八九丈大可六七圍葉圓而背白無花實其樹有

肥有瘦瘦者有婆律膏香一曰瘦者出龍腦香肥者出婆律膏也在木心中斷其樹劈取之膏於樹端流出斫樹作坎而承之入藥用別有法

安息香樹出波斯國波斯呼為辟邪樹長三丈皮色黃黑葉有四角經寒不凋二月開花黃色花心微碧不結實刻其樹皮其膠如飴名安息香六七月堅凝乃取之燒之通神明辟衆惡

無石子出波斯國波斯呼為摩賊樹長六七丈圍八九尺葉似桃葉而長三月開花白色花心微紅子圓如彈丸初青熟乃黃白蟲食成孔者正熟皮無孔者入藥用

其樹一年生無石子一年生跋屢子大如指長三寸上有殼中仁如栗黃可噉

紫銚樹出真臘國真臘國呼為勒佉亦出波斯國樹長一丈枝條鬱茂葉似橘經冬而凋三月開花白色不結子天大霧露及雨沾濡其樹枝條即出紫銚波斯國使烏海及沙利深所說並同真臘國使折衝都尉沙門陀沙尼拔陀言蟻運土於樹端作窠蟻壤得雨露凝結而成紫銚崑崙國者善波斯國者次之

阿魏出伽闍那國即北天竺也伽闍那呼為形虞亦出波斯國波斯國呼為阿虞截樹長八九丈皮色青黃三

月生葉葉似鼠耳無花實斷其枝汁出如飴久乃堅凝
名阿魏拂林國僧鸞所說同摩伽陀國僧提婆言取其
汁和米豈屑合成阿魏

婆那婆樹出波斯國亦出拂林呼為阿薩禪樹長五六
丈皮色青綠葉極光淨冬夏不凋無花結實其實從樹
莖出大如冬瓜有殼裹之殼上有刺韞至其甜可食核
大如棗一實有數百枚核中仁如栗黃炒食之甚美

波斯棗出波斯國波斯國呼為窟莽樹長三四丈圍五
六尺葉似土麻不凋二月生花狀如蕙花有兩甲漸漸
開罅中有十餘房子長二尺黃白色有核熟則紫黑狀

類乾棗味甘如錫可食

偏桃出波斯國波斯呼為婆淡樹長五六丈圍四五尺
葉似桃而闊大三月開花白色花落結實狀如桃子而
形偏故謂之偏桃其肉苦澁不可噉核中仁其甜西域
諸國並珍之

槃柝

一作碧

檣樹

出波斯國亦出拂林國拂林呼為群漢

樹長三文圍四五尺葉似細榕經寒不凋花似橘白色
子綠大如酸棗其味甜膩可食西域人壓為油以塗身
可去風痒

齊墩樹出波斯國亦出拂林國拂林呼為齊匿

音陽反樹

長二三丈皮青白花似柚極芳香子似楊桃五月熟西域人壓為油以煮餅菓如中國之用巨勝也

胡椒出摩伽陀國呼為昧履支其苗蔓生極柔弱葉長寸半有細條與葉齊條上結子兩兩相對其葉晨開幕合合則裹其子於葉中形似漢椒至辛辣六月採今人作胡盤肉食皆用之

白荳蔻出伽古羅國呼為多骨形似芭蕉葉似杜若長八九尺冬夏不凋花淺黃色子作朶如蒲萄其子初出微青熟則變白七月採

菓撥出摩伽陀國呼為菓撥梨拂林國呼為阿梨訶咆

苗長三四尺莖細如箸葉似蕞葉子似桑椹八月採

醋齊出波斯國拂林呼為預勃梨咆長一丈餘圍一尺許皮色青薄而極光淨葉似阿魏每三葉生於條端無花實西域人常八月伐之至臘月更抽新條極滋茂若不剪除反枯死七月斷其枝有黃汁其狀如蜜微有香氣入藥療病

波斯皂筴出波斯國呼為忽野簷默拂林呼為阿梨去伐樹長三四丈圍四五尺葉似枸椽而短小經寒不凋不花而實其筴長二尺中有隔隔內各有一子大如指頭赤色至堅硬中黑如墨甜如飴可噉亦入藥用

沒樹出波斯國拂林呼為阿縵長一丈許皮青白色葉似槐葉而長花似橘花而大子黑色大如山茱萸其味酸甜可食

阿勃參出拂林國長一丈餘皮青白色葉細兩兩相對花似蔓菁正黃子似胡椒赤色研其枝汁如油以塗疥癬無不瘥者其油極貴價重於金

捺祇出拂林國苗長三四尺根大如鴨卵葉似蒜葉中心抽條甚長莖端有花六出紅白色花心黃赤不結子其草冬生夏死與蕎一作麥相類取其花壓以為油塗身除風氣拂林國王及國內貴人皆用之

野悉蜜出拂林國亦出波斯國苗長七八尺葉似梅葉四時敷榮其花五出白色不結子花若開時遍野皆香與嶺南唐糖相類西域人常採其花壓以為油甚香滑底稱實阿驛波斯國呼為阿驛拂林呼為底珍一作樹長四五丈枝葉繁茂葉有五出似裨麻無花而實實赤色類裨子味似乾柿而一月一作一年一熟

唐段少卿酉陽雜俎前集卷之十九

唐 太常少卿臨淄柯古段成式 撰

明 四川道監察御史內鄉李雲鶴 校

廣動植類之四

草篇

芝天寶初臨川郡人李嘉胤所居柱上生芝草形類天尊太守張景佚截柱獻之

大曆八年廬州廬江縣紫芝生高一丈五尺芝類至多

參成芝斷而可續

夜光芝一株九實實墜地如七寸鏡夜視如牛目茅君



種於句曲山

隱辰芝狀如斗以屋為節以莖為剛

屋一作星剛一作網

鳳腦芝仙經言穿地六尺以環寶一枚種之灌以黃水

五合以土堅築之三年生苗如匏刻一日實如桃五色名

鳳腦芝食其實唾地為鳳乘升太極

白符芝大雪而華

五德芝如車馬

茵芝如樓○凡學道三十年不倦天下金翅鳥銜芝至

羅門山食生一日石芝得地仙

蓮石蓮入水必沉唯煎鹽鹹鹵能浮之鴈食之糞落山

石間百年不壞相傳椽子落水為蓮

苔慈恩寺唐三藏院後簷階開成未有苔狀如苦苣布

於塼上色如藍綠輕嫩可愛談論僧義林太和初改葬

基法師初開塚香氣襲人側卧塼臺上形如生塼上苔

厚二寸餘作金色氣如栴檀

瓦松崔融瓦松賦序曰崇文館瓦松者產於屋霑之下

謂之木也訪山客而未詳謂之草也驗農皇而罕記賦

云煌煌特秀狀金芝之產雷歷歷虛懸若星榆之種天

葩條郁毓根柢連卷間紫苔而裛露凌碧瓦而含煙又

曰慚魏宮之烏悲慙漢殿之紅蓮崔公學博無不該悉

豈不知瓦松已有著說乎○博雅在屋曰昔耶在墻曰垣衣廣志謂之蘭香生於久屋之瓦魏明帝好之命長安西載其瓦於洛陽以覆屋前代詞人詩中多用昔耶梁簡文帝詠薔薇曰緣階覆碧綺依簷映昔耶或言構木上多松栽土木氣洩則瓦生松○大曆中脩含元殿有一人投狀請瓦且言瓦工惟我所能祖父已嘗瓦此殿矣衆工不服因曰若有能瓦畢不生瓦松乎衆方服焉○又有李阿黑者亦能治屋布瓦如齒間不通經亦無瓦松本草瓦衣謂之屋遊

瓜惡香中尤忌麝鄭注太和初赴職河中姬妾百餘

蓋騎香氣數里逆於人鼻是歲自京至河中所過路瓜盡死一蒂不獲

芰今人但言菱芰諸解草木書亦不分別惟王安貧武陵記言四角三角曰芰兩角曰菱今蘇州折腰菱多兩角成式曾於荊州有僧遺一斗郢城菱三角而無芒日

刺可以接接一曰莎

芰一名水栗一名薺若蘇一作○漢武昆明池中有浮根

菱根出水上葉滿沒波下亦曰青水芰○玄都有菱碧色狀如雞飛名翻雞芰仙人臯伯子常採之

兔絲子多近棘及藿山居者疑二草之氣類也

天名精一曰鹿活草昔青州劉愷一作宋元嘉中射一鹿剖五藏以此草塞之蹶然而起愷惟而拔草復倒如此三度愷密錄此草種之多主傷折俗呼為劉愷草牡丹前史中無說處惟謝康樂集中言竹間水際多牡丹成式檢隋朝種植法七十卷中初不記說牡丹則知隋朝花藥中所無也開元末裴士淹為郎官奉使幽冀迴至汾州衆香寺得白牡丹一窠植於長安私第天寶中為都下奇賞當時名公有裴給事宅看牡丹詩詩尋訪未獲一本有詩云長安年少惜春殘爭認慈恩紫牡丹別有玉盤乘露冷無人起就月中看太常博士張乘

嘗見裴通祭酒說又房相有言牡丹之會瑄不預焉至德中馬僕射鎮太原又得紅紫二色者移於城中○元和初猶少今與戎葵角多少矣○韓愈侍郎有疎從子姪自江淮來年甚少韓令學院中伴子弟子弟悉為凌辱韓知之遂為街西假僧院令讀書經旬寺主綱復訐其狂率韓遽令歸且責曰市肆賤類營衣食尚有一事長處汝所為如此竟作何物姪拜謝徐曰某有一藝恨叔不知因指階前牡丹曰叔要此花青紫黃赤唯命也韓大奇之遂給所須試之乃豎箔曲盡遮牡丹叢不令人窺握窠四面深及其根寬容人座唯賣紫鑛輕粉朱

紅旦暮治其根凡七日乃填坑白其叔曰恨校遲一月
時冬初也牡丹本紫及花發色白紅歷綠每朵有一聯
詩字色紫分明乃是韓出官時詩一韻曰雲橫秦嶺家
何在雪擁藍關馬不前十四字韓大驚異姪且辭歸江
淮竟不願仕○興唐寺有牡丹一窠元和中著花一千
二百朵其色有正暈倒暈淺紅淺紫深紫黃白檀等獨
無深紅又有花葉中無抹心者重臺花者其花面徑七
八寸○興善寺素師院牡丹色絕佳元和末一枝花合
歡

金燈一曰九形花葉不相見俗惡人家種之一名無義

草

合離根如芋魁有游子十二環之相須而生而實不連
以氣相屬一名獨搖一名離母若土人所食者合呼為
赤箭

蜀一作葵本胡中葵也一名胡葵似葵大者紅可以緝

為布枯時燒作灰藏火火久不滅花有重臺者

茄子茄字本蓮經名革遐反今呼伽未知所自成式因
就節下食伽子數蒂偶問工部員外郎張周封伽子故
事張云一名落蘇專具食療本草此誤作食療本草元
出拾遺本草成式記得隱疾行園詩云寒瓜方卧瓏秋

菰正滿波紫茄紛爛漫綠芋鬱參差又一名崑崙瓜嶺
南茄子宿根成樹高五六尺姚向曾為南選使親見之
故本草記廣州有慎火樹樹大三四圍慎火即景天也
俗呼為葑火草○茄子熟者食之厚腸胃動氣發痰根
能治竈瘰欲其子繁待其花時取葉布於過路以灰規
之人踐之子必繁也俗謂之嫁茄子僧人多灸之甚美
有新羅種者色稍白形如雞卵西明寺僧造玄一曰院
中有其種○水經云石頭西對蔡滿浦長百里上有大
荻荻浦下有茄子浦

異菌開成元年春成式修竹里私第書齋前有枯紫荊

數枝蠹折因伐之餘尺許至三年秋枯根上生一菌大
如斗下布五足頂黃白兩暈緣垂裙如鵝鞞一曰高尺
餘至午色變黑而死焚之氣如芋香成式常置香爐於
枿臺上每念經門生以為善徵後覽諸志惟南齊吳郡
褚思莊素奉釋氏眠於梁下短柱是枿木去地四尺餘
有節大明中忽有一物如芝生於節上黃色鮮明漸漸
長數日遂成千佛狀面目爪指及光相衣服莫不完具
如金鏤隱起摩之殊軟常以春末生秋末落落時佛形
如故但色褐耳至落時其家貯之箱中積五年思莊不
復住其下亦無他顯盛闔門壽考思莊父終九十七兄

年七十健如壯年

又梁簡文延香園大同十年竹林吐一芝長八寸頭蓋

似雞頭實黑色其柄似藕柄內通幹空一曰柄皮質皆

絕白根下微紅雞頭實處似竹節脫之又得脫也自節

處別生一重如結網羅四面周可五六寸圍繞周匝以

罩柄上相遠不相著也其似結網眾目輕巧可愛其與

柄皆得相脫驗仙書與威喜芝相類

舞草出雅州獨莖三葉葉如決明一葉在莖端兩葉居

莖之半相對人或近之歌及抵掌謳曲必動葉如舞也

護門草常山北草名護門真諸門上夜有人物一曰過輒

叱之

仙人條出衡嶽無根蒂生石上狀如同心帶三股色綠

亦不常有

睡蓮南海有睡蓮夜則花低入水屯田韋郎中從事南

海親見

蔓金苔晉時外國獻蔓金苔色如金若螢火之聚大如

雞卵投之水中蔓延波上光泛鏤日一作如火亦曰夜

明苔

異蒿田在實布之子一作田布也大和中嘗過蔡州北

路側有草如蒿莖大如指其端聚葉似鷓鴣巢在顛折

視之葉中有小鼠數十繞若皂筴子目猶未開啾啾有聲

蜜草北天竺國出蜜草蔓生大葉秋冬不死因重霜露遂成蜜如塞上蓬鹽

老鴉箠籬葉如牛蒡而狹子熟時色黑狀如箠籬

鴨舌草生水中似蓴俗呼爲鴨舌草

胡蔓草生邕容間叢生花偏如梔子稍大不成朵色黃白葉稍黑誤食之數日卒飲白鵝白鴨血則解或以一物投之祝曰我買你食之立死

銅匙草生水中葉如剪刀

水耐冬此草經冬在水不死成式於城南村野池中有之

天芋生終南山中葉如荷而厚

水韭生於水湄狀如韭而葉細長可食

地錢葉圓莖細有蔓生溪澗邊一曰積雪草亦曰連錢草

蚍蜉酒草一曰鼠耳象形也亦曰無心草

盆甌草即牽牛子也結實後斷之狀如盆甌其中有子似龜蔓如署預

蔓胡桃出南詔大如扁螺兩隔味如胡桃或言蠻中藤

子也

油點草葉似蒼達每葉上有黑點相對

三白草此草初生不白入夏葉端方白農人候之蒔田

三葉白草畢秀矣其葉似署預

落迴一日博有大毒生江淮山谷中莖葉如麻莖中空

吹作聲如勃邏迴因名之

蒟蒻根大如椀至秋葉滴露隨滴生苗

鬼皂筴生江南地澤如皂筴高一二尺沐之長髮葉亦

去衣垢

通脫木如蟬麻生山側花上粉主治惡瘡心空中有瓢

輕白可愛女工取以飾物

毘尸沙花一名日中金錢花本出外國梁大同一年進

來中土

左行草使人無情范陽長貢

青草槐龍陽縣禪牛山南有青草槐叢生高尺餘花若

金燈仲夏發花一本云迄千秋

竹肉江淮有竹肉生竹節上如彈丸味如白雞竹皆向

北有大樹雞如栝菴呼為胡孫眼

石耳廬山有石耳性熱

野狐絲庭有草蔓生色白花微紅大如粟秦人呼為野

狐絲

金錢花一云本出外國梁大同二年進來中土梁時荆州椽屬雙陸賭金錢錢盡以金錢花相足魚弘謂得花勝得錢

荷漢明帝時池中有分枝荷一莖四一曰葉狀如駢蓋子如玄珠可以飾珮也○靈帝時有夜舒荷一莖四蓮其葉似舒畫卷

夢草漢武時異國所獻似蒲畫縮入地夜若抽萌懷其草自知夢之好惡帝思李夫人懷之輒夢

烏蓬葉如鳥翅俗呼為仙人花

雀芋狀如雀頭置乾地反濕置濕處復乾飛鳥觸之墮走獸遇之僵

望舒草出扶支國草紅色葉如蓮葉月出則舒月沒則卷

紅草山戎之北有草莖長一丈葉如車輪色如朝虹齊桓時山戎獻其種乃植於庭以表霸者之瑞

神草魏明時苑中含歡草狀如著一株百莖畫則衆條扶踈夜乃合一莖謂之神草

三蔬晉時有芳蔬園在墉一曰金墉之東有菜名芸薇一作薇類有三種紫色為上蔬味辛黃色者為中蔬味甘青者

西前十九
爲下蔬味鹹常以三蔬充御菜可以藉食

掌中芥末多國出也取其子置掌中吹之一吹一長長三尺乃殖於地

水網藻漢武昆明池中有水網藻枝橫側水上長八九尺有似網目鳧鴨入此草中皆不得出因名之

地日草南方有地日草三足鳥欲下食此草羲和之馭以手掩鳥目食此則美悶不復動○東方朔言爲小兒時并陷墜至地下數十年無所寄託有人引之令住此草中隔紅泉不得渡其人以一隻屐因乘汎紅泉得至草處食之

挾劔豆藥浪東有融澤之中生豆莢形似人挾劔橫斜而生

牧靡建寧郡烏句山南五百里牧靡草可以解毒百卉方盛烏鵲誤食烏喙中毒必急飛牧靡上喙牧靡以解也

唐段少卿西陽雜俎前集卷之二十

唐 太常少卿臨淄柯古段成式 撰

明 四川道監察御史內鄉李雲鵠 校

肉攫部

取鷹法七月二十日為上時內地者多塞外者殊少八
月上旬為次時八月下旬為下時塞外鷹畢至矣○鷹
網目方一寸八分縱八寸目橫五寸以黃蘗和杼汁
染之令與地色相類蝻蟲好食網以藥防之○有網竿
○都杙○吳公○磔竿二一為鶉竿一為鴿竿鴿飛能
遠察見鷹常在人前若竦身動盼則隨其所視候之

取木雞木雀鷓網目方二寸縱三十目橫十八目
凡鷺鳥鷓生而有惠出殼之後即於窠外放巢大鷺恐
其墜墜及為日所曝熱暍致損乃取帶葉樹枝插其巢
畔防其墜墜及作陰涼也欲驗鷓之大小以所插之葉
為候若一日二日其葉雖萎而尚帶青色至六七日其
葉微黃十日後枯瘁此時雛漸大可取
凡禽獸必藏匿形影同於物類也是以蛇色逐地茅兔
必赤鷹色隨樹

鷹巢一名菽鷹呼菽子者雛鷹也鷹四月一日停放五
月上旬拔毛入籠拔毛先從頭起必於平旦過頂至伏

鷓則止從頸下過颺毛至尾則止尾根下毛名颺毛其
背毛并兩翅大翎覆翮及尾毛十二根等并拔之兩翅
大毛合四十四枝覆翮翎亦四十四枝八月中旬出籠
雕角鷹等三月一日停放四月上旬置籠

鷓北回鷹過盡停放四月上旬入籠不拔毛

鷓五月上旬停放六月上旬拔毛入籠

凡鷺擊等一變為鷓二變為鷓轉鷓三變為正鷓自此
已後至累變皆為正鷓

白鷓鬚爪白者從一變為鷓至累變其白色一定更不
改易若鬚爪黑者臆前縱理翎尾斑節微微有黃色者

一變為鵠則兩翅封上及兩脰之毛間似紫白其餘白色不改

齊王高緯武平六年得幽州行臺僕射河東潘子光所送白鶻合身如雪色視臆前微微有縱白斑之理理色曖昧如纒菊本之色微帶青白向末漸烏其爪亦同於紫蠟脛並作黃白赤是為上品黃麻色一變為鵠其色不甚改易惟臆前縱斑漸闊而短鵠轉出後乃至累變背上微加青色臆前從理轉就短細漸加膝上鮮白此為次色

青麻色其變色一同黃麻之鵠此為下品又有羅鳥鵠

羅麻鵠

一曰鵠

白兔鷹翮爪白者從一變為鵠乃至累變其白色一定更不改易翮爪黑而微帶青白色臆前縱理及翎尾斑節微有黃色者一變背上翅尾微為灰色臆前縱理變為橫理變色微淡若無脰則仍白至於鵠轉已後其灰色微褐而漸漸向白其翮爪極黑體上黃鵠斑色微深者一變為青白鵠鵠轉之後乃至累變臆前橫理轉細則漸為鵠色也

齊王高洋天保三年獲白兔鷹一聯不知所得之處合身毛羽如雪目色紫爪之本白向末為淺烏之色

一曰赤

色紫爪之蠟脛並黃當時號為金脚

又高帝高齊武平初領軍將軍趙野又獻曰兔鷹一聯

頭及頂遙看悉白近邊熟視乃有紫跡在毛心其背上

以白地紫跡點其毛心紫外有白赤周繞白色之外以

黑為緣翅毛亦以白為地紫色節之臆前以白為地微

微有縑赤縱理眼黃如真金紫本之色微白向末漸烏

蠟作淺黃色脰指之色亦黃爪色與紫同

散花白紫爪黑而微帶青白色者一變為紫理白鴉鴉

轉以後乃至累變橫理轉細臆前紫漸滅成白其紫爪

極黑者一變為青白鴉鴉轉之後乃至累變橫理轉細

臆前漸作灰白色

赤色一變為鴉其色帶黑鴉轉已後乃至累變橫理轉

細臆前微微漸白其背色不改此上色也

白唐一變為青鴉而微帶灰色鴉轉之後乃至累變橫

理轉細臆前微微漸白

鷓爛堆一變之鴉色如鷓鴣鴉轉之後乃至

累變橫理轉細臆前漸漸微白

黃色一變之後乃至累變其色似於鷓鴣而色微深大

況鷓鴣雄黃變色同也

青斑一變為青父鴉鴉轉之後乃至累變橫理轉細臆

前微微漸白此次色也

白唐唐者黑色也謂斑上有黑色一變為青白鵠襟帶
黑色鵠轉之後乃至累變橫理轉細臆前漸漸微白
赤斑唐謂斑上有黑色也一變為鵠其色多黑鵠轉之
後乃至累變橫理轉細臆前黑雖漸褐世人仍名為黑
鵠

青斑唐謂斑上有黑色也一變為鵠其色帶青黑鵠轉
之後乃至累變橫理雖細臆前之色仍常暗黯此下色
也。鷹之雌雄唯以大小為異其餘形相本無分別雉
鷹雖小而是雄鷹羽毛雜色從初及變既同兔鷹更無

別述雉鷹一歲臆前縱理闊者世名為鵠斑至後變為
鵠鵠之時其臆縱理變作橫理然猶闊大若臆前縱理
本細者後變為鵠鵠之時臆前橫理亦細

荆窠白者短身而大五觔有餘便鳥而快一名沙裏白
生代北沙漠裏荆窠上向鴈門馬邑飛

代都赤者紫背黑鬚白精白毛三觔半已上四觔已下
便兔生代川赤巖裏向虛丘中山白嚙飛

漠北白者身長且大五觔有餘細斑短脛鷹肉之最生
沙漠之北不知遠近向代川中山飛一名西道白

房山白者紫背細斑三觔已上四觔以下便兔生代東

房山白楊椴樹上向范陽中山飛

漁陽白腹背俱白大者五觔便兔生徐無及東西曲一名大曲小曲白葉樹上生向章武合口博海飛

東道白腹背俱白大者六觔餘鷹內之最大生盧龍和龍以北不知遠近向渙林巨黑一日章武合口光州一日

飛雖稍軟若值快者越於前鷹

土黃所在山谷皆有生柞櫟樹上或大或小

黑皂驪大者五觔生漁陽山松杉樹上多死時有快者

章武飛

白皂驪大者五觔生漁陽白道河陽漠北所在皆有生

栢枯樹上便鳥向靈丘中山范陽章武飛

青斑天者四觔生代北及代川白楊樹上細斑者快向靈丘山范陽飛

鵠鷹荏子青黑者快蛇淨眼明是未嘗養雛尤快若目多眇蛇不淨者已養雛矣不任用多死又條頭無花雖遠而聚或條出旬然作聲短命之候口內赤反掌熱隔衣蒸人長命之候疊尾振捲打格隻立理面毛藏頭睡長命之候也凡鷲鳥飛尤忌錯喉病入义十無一活次在咽喉骨前皮裏缺盆骨內膝之下

吸筒以銀錄為之大如角鷹翅管鷹以下筒大小准其

翅管

凡夜條不過五條數者短命條如赤小荳汁與白相和者死 凡網損 擺傷 兔蹋傷 鶴兵爪皆為病

本草綱目卷之二十終

卷之二十終

